

TPM: Jangan biar program kerajaan 'diculik' Pakatan  
Malaysiakini.com  
Disember 9, 2010

Tan Sri Muhyiddin Yassin menggesa pemimpin BN di Selangor membabitkan diri secara langsung dalam setiap inisiatif yang dijalankan oleh kerajaan supaya program itu tidak "diculik" oleh Pakatan Rakyat.

muhyiddin pc 200910 02Timbalan Perdana Menteri berkata, meskipun Selangor diperintah oleh Pakatan Rakyat, kerajaan pusat tetap menyalurkan peruntukan melalui jabatan dan agensinya yang beroperasi di negeri itu demi kepentingan rakyat.

"Rakyat tidak rasa program ini program kita tetapi seperti program rasmi. Oleh kerana kita tidak ada 'ownership' menyebabkan ia seolah-olah bukan dijalankan oleh kerajaan BN.

"Ada ketika program yang dijalankan oleh kerajaan pusat 'diculik' oleh kerajaan Pakatan Rakyat walaupun peruntukan mereka tidak sebesar peruntukan yang disalurkan oleh kerajaan pusat.

"Ia kelihatan seolah-olah seperti peruntukan yang banyak disalurkan oleh mereka," katanya ketika berucap pada perjumpaan dengan jentera BN Selangor di Bangunan Umno Selangor di Shah Alam hari ini.

Muhyiddin berkata, pemimpin BN di Selangor juga perlu mendekati rakyat dan berusaha untuk menyelesaikan masalah yang dihadapi oleh rakyat dengan ikhlas.

Beliau berkata, kempen di peringkat akar umbi perlu dijalankan secara berterusan bagi menarik kembali sokongan rakyat kepada BN di negeri itu.

"Tarikh bila pilihan raya umum akan diadakan tidak penting kerana apa yang penting adalah semua anggota dan pemimpin BN sentiasa berjaga-jaga dan sudah bersedia apabila pilihan raya umum diadakan," katanya.

Muhyiddin berkata, bermula tahun depan, beliau dan Perdana Menteri, Datuk Seri Najib Razak, akan mula turun padang bagi mengatur program yang akan menyentuh semua peringkat masyarakat.

- Bernama

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/150415>